

Mientras cu e station checksnan ta continua e siman aki

Ultimo proving run di Tiara Air ta otro siman dialuna prome cu nan haya nan AOC license

Demanda ya caba ta halto prome cu nan a lanta prome buelo caba



ORANJESTAD – Tiara Air ta yegando final di su preparacion pa cuminsa bula. Den combersacion ayera cu e director Alejandro Muyale, a muestra cu e siman aki tin buelonan di prueba diahuebs y diabierna e siman aki y dialuna otro siman. A base di esei lo haya tende ki dia lo haya e Aircraft Operating License for di man di minister Briesen.

STATION CHECK

Tabata e siman cu a pasa cu a haci e station check di Aruba diabierna pasa. Mientras cu diaranson awor ta haci e station check di Corsow. Y awor pues ta enfocando riba e proving runs cu ta pa Direccion di Aviacion Civil check si e tripulacion por maneha su mes bon den situacionan di emergencia, y tambe otro tipo di situacion.

EXPECTATIVA

Loke cu Muyale a confirma ta cu expectativa pa e compania cuminsa bula, ta sumamente grandi. “Nos ta hayando masha hopi yamada mes y e di dos avion ta na caminda” Muyale a sigui bisa. A muestra cu lo tin prijs controla entre competidornan, aunke cu tin indicacion cu por spera un guera di prijs si nota e paso di e competencia caba. No

kier ripiti historia unda cu Air Aruba y ALM tabata bringa pa prijs, cu a hiba ambos aerolinja na bancarota.

FECHA PA BULA

Cu tur loke a bisa, e pregunta cardinal ta keda e fecha

riba cual por cuminsa bula oficialmente den forma comercial.

“Directie Luchtvaart a bisa cu si tur cos bai bon pa dialuna otro siman, duna nan dos tres dia pa e AOC” Muyale a bisa. Basa

riba esei, Muyale kier pone un siman ariba, pa logicamente por cuminsa pone e machinaria di reservacion traha. E prome siman di april ta muestra awor di ta e miho fecha pa cuminsa bula, segun Muyale.